

thim, yuav tau tiam raws li tshoob poj nrauj los sis poj ntsuam li nram no:

- a. Tiam tus niam nug txiv nug (Mej koob) \$100.00
- b. Tiam tus tub pe qhua (Phij laj) \$60.00

(Amended 08/01/2019)

TSHOOJ VIII: **TSHOOB NKAUJ XA**

Hmoob 18 Xeem rov muab lub txhooj tshoob nkauj xa no coj los ntsuam xyuas dua ib zaug ntxiv kom meej tseeb, thiab phim rau txoj kab tshoob kev kos. Cov nkauj xa no yog cov uas twb mus xaus tshoob xaus kos tag los lawm. Lub txhooj nkauj xa no yog hais tag nrho rau cov cov nkauj xa; tus laus, tus hluas, tus nyuam qhov ua tshoob, los sis twb sib yuav ntev los lawm.

TSOOJ VIII – FEEM I: **TSHOOB NKAUJ XA TXOJ CAI**

01. Tus ntxhais twg yog tus vauv coj mus ua neej, ua txij ua nkawm, ua poj ua sev, tus vauv coj mus hnub tsis ntev hmo tsis ntau, tus vauv ho muab tus ntxhais xa rov qab rau niam thiab txiv, thiab xuam nqi tshoob nqi kos dawb paug rau niam thiab txiv lawm, niam txiv tsis muaj cai sau nqi tshoob lawm.

02. Tshoob nkauj xa niam thiab txiv tsis muaj cai thov khaub tsho, yaj ncos, poj tsiag zov kwv, qhwv niam laus hauv caug, nyiaj sia siv, nyiaj qhaib tshoob, thiab nyiaj cheb rooj.

03. Thaum xa, tus vauv yuav tau xav lub ncauj tseg nrog tus ntxhais rov qab rau niam tais thiab yawm txiv, los sis neej tsa.

TSHOOJ VIII – FEEM II: **NQI TSBOOB NKAUJ XA (Tus xaus tshoob lawm)**

Tus nkauj xa, yog twb xaus tshoob xaus kos tag lawm mam xa, niam tais yawm txiv, neej nus tsis muaj cai sau nqi tshoob li ib tug nkauj xwb lawm. Niam txiv muaj cai sau li ib tug poj nrauj xwb.

Hnub Nyoog

Nqi tshoob

- a. Muaj hnub nyoog 18- 35 \$2500.00
- b. Muaj hnub nyoog 36- 55 \$1500.00
- c. Muaj hnub nyoog 56 rov sauve \$1000.00
- d. Ib plus mov tshoob noj tis neej tis tsav.

(Amended 08/01/2019)

TSHOOJ VIII – FEEM III TIAM TUB TSHOOB (Nkauj xa)

Tiam tub tshoob tub kos rau nkauj xa raws li nram no:

- A. Tiam tus niam nug txiv nug \$100.00
- B. Tiam tus pe qhua (Phij laj) \$60.00

(Amended 08/01/2019)

TSHOOJ IX: **TSHOOB NKAUJ XA (Tus tsis tau mus xaus tshoob)**

Hmoob 18 Xeem tau ntsuam xyuas txog lub txhooj tshoob nkauj xa uas tsis tau xaus txhoob. Cov nkauj xa no yog cov uas mus ua nyab, luag muab lwm qaib thiab hu plig ua luag neeg tag lawm, los sis tsis tau tau hu plig, tab tsis ho tsis tau mus xaus tshoob es tus vauv ho yuav tsis taus ua txij ua nkawv. Lub txhooj no tsuas phim rau cov nkauj xwb.